

乾隆大藏經



釋淨室敬題





龍

藏

大般
乘若
部經

普爲出資及讀誦受持
輾轉流通者回向偈曰
願此功德 回向有情
消除業障 增崇福祉
家門清吉 身心安寧
生入聖域 沒往西方
先亡祖妣 歷劫怨親
俱蒙佛慈 獲本妙心
兵戈永息 禮讓興行
人民安樂 世界和平
四恩總報 三有齊資
法界眾生 同證菩提

This book is for free distribution. It is not for sale. Printed in Taiwan.

公元二〇〇七年八月出版 恭印貳仟套

乾隆大藏經

景印重編
句讀版本

倡印者：淨空法師

印贈者：香港佛陀教育協會

出版者：財團法人桃園縣至善教育事務基金會

地址：桃園縣中壢市過嶺里16之38號

電話：(〇三) 四二〇—七八〇九

傳真：(〇三) 四二〇—七八一三

淨空法師
影音網址
<http://www.budaedu.org.hk>
<http://www.amtb-aus.org>
<http://www.chinkung.org>

E-mail：
amtbhk1@budaedu.org.hk
purelandcollege@iinet.net.au

承印者：世樺國際股份有限公司 (〇二) 二二四六九九二八

ISBN 978-986-83622-0-8

第四冊目次

般若部

一大般若波羅蜜多經六百卷

唐三藏法師玄奘奉詔譯

卷第一八一～卷第二四〇

一 九二〇

初 會

(三十二) 讚般若品(卷一八一)

一 六

(三十三) 謗般若品(卷一八一)

六 一七

(三十四) 難信解品(卷一八二～二四〇)

一八 九二〇

大般若波羅蜜多經卷第一百八十一 暑一

唐三藏法師玄奘奉詔譯

初分讚般若品第三十二之十

復次世尊。預流向預流果無生故。當知般若波羅蜜多亦無生。一來向一來果。不還向不還果。阿羅漢向阿羅漢果無生故。當知般若波羅蜜多亦無生。預流向預流果無滅故。當知般若波羅蜜多亦無滅。一來向乃至阿羅漢果無滅故。當知般若波羅蜜多亦無滅。預流向預流果無自性故。當知般若波羅蜜多亦無自性。一來向乃至阿羅漢果無自性故。當知般若波羅蜜多亦無自性。預流向預流果無所有故。當知般若波羅蜜多亦無所有。一來向乃至阿羅漢果無所有故。當知般若波羅蜜多亦無所有。預流向預流果空故。當

知般若波羅蜜多亦空。一來向乃至阿羅漢果空故。當知般若波羅蜜多亦空。預流向預流果無相故。當知般若波羅蜜多亦無相。一來向乃至阿羅漢果無相故。當知般若波羅蜜多亦無相。預流向預流果無願故。當知般若波羅蜜多亦無願。一來向乃至阿羅漢果無願故。當知般若波羅蜜多亦無願。預流向預流果遠離故。當知般若波羅蜜多亦遠離。一來向乃至阿羅漢果遠離故。當知般若波羅蜜多亦遠離。預流向預流果寂靜故。當知般若波羅蜜多亦寂靜。預流向預流果不可得故。當知般若波羅蜜多亦不可得。一來向乃至阿羅漢果不可得故。當知般若波羅蜜多亦不可得。預流向預流果

不可思議故。當知般若波羅蜜多亦不可思議。一來向乃至阿羅漢果不可思議故。當知般若波羅蜜多亦不可思議。預流向預流果無覺知故。當知般若波羅蜜多亦無覺知。一來向乃至阿羅漢果無覺知故。當知般若波羅蜜多亦無覺知。預流向預流果勢力不成就故。當知般若波羅蜜多勢力亦不成就。一來向乃至阿羅漢果勢力不成就故。當知般若波羅蜜多勢力亦不成就。世尊。我緣此意故。說菩薩摩訶薩般若波羅蜜多。名大波羅蜜多。復次世尊。獨覺無生故。當知般若波羅蜜多亦無生。獨覺菩提無生故。當知般若波羅蜜多亦無生。獨覺無滅故。當知般若波羅蜜多亦無滅。獨覺菩提無滅故。當知般若波羅蜜多亦無滅。獨覺無自性故。當知般若波

羅蜜多亦無自性。獨覺菩提無自性故。當知般若波羅蜜多亦無自性。獨覺無所有故。當知般若波羅蜜多亦無所有。獨覺菩提無所有故。當知般若波羅蜜多亦無所有。獨覺空故。當知般若波羅蜜多亦空。獨覺菩提空故。當知般若波羅蜜多亦空。獨覺無相故。當知般若波羅蜜多亦無相。獨覺菩提無相故。當知般若波羅蜜多亦無相。獨覺無願故。當知般若波羅蜜多亦無願。獨覺菩提無願故。當知般若波羅蜜多亦無願。獨覺遠離故。當知般若波羅蜜多亦遠離。獨覺菩提遠離故。當知般若波羅蜜多亦遠離。獨覺寂靜故。當知般若波羅蜜多亦寂靜。獨覺菩提寂靜故。當知般若波羅蜜多亦寂靜。獨覺不可得故。當知般若波羅蜜多亦不可得。獨覺菩提不可

得故。當知般若波羅蜜多亦不可得。獨覺不可思議故。當知般若波羅蜜多亦不可思議。獨覺菩提不可思議故。當知般若波羅蜜多亦不可思議。獨覺無覺知故。當知般若波羅蜜多亦無覺知。獨覺菩提無覺知故。當知般若波羅蜜多亦無覺知。獨覺勢力不成就故。當知般若波羅蜜多勢力不成就。世尊。我緣此意。故說菩薩摩訶薩般若波羅蜜多。名大波羅蜜多。復次世尊。菩薩摩訶薩無生故。當知般若波羅蜜多亦無生。菩薩摩訶薩行無生故。當知般若波羅蜜多亦無生。菩薩摩訶薩無滅故。當知般若波羅蜜多亦無滅。菩薩摩訶薩行無滅故。當知般若波羅蜜多亦無滅。菩薩摩訶薩無自性。般若波羅蜜多亦無滅。菩薩摩訶薩無自性。

故。當知般若波羅蜜多亦無自性。菩薩摩訶薩行無自性故。當知般若波羅蜜多亦無自性。菩薩摩訶薩無所有故。當知般若波羅蜜多亦無所有。菩薩摩訶薩行無所有故。當知般若波羅蜜多亦無所有。菩薩摩訶薩空故。當知般若波羅蜜多亦空。菩薩摩訶薩行空故。當知般若波羅蜜多亦空。菩薩摩訶薩無相故。當知般若波羅蜜多亦無相。菩薩摩訶薩行無相故。當知般若波羅蜜多亦無相。菩薩摩訶薩無願故。當知般若波羅蜜多亦無願。菩薩摩訶薩行無願故。當知般若波羅蜜多亦無願。菩薩摩訶薩遠離故。當知般若波羅蜜多亦遠離。菩薩摩訶薩行遠離故。當知般若波羅蜜多亦遠離。菩薩摩訶薩寂靜故。當知般若波羅蜜多亦寂靜。菩薩摩訶薩行。

寂靜故。當知般若波羅蜜多亦寂靜。菩薩摩訶薩不可得故。當知般若波羅蜜多亦不可得。菩薩摩訶薩行不可得故。當知般若波羅蜜多亦不可得。菩薩摩訶薩不可思議故。當知般若波羅蜜多亦不可思議。菩薩摩訶薩行不可思議故。當知般若波羅蜜多亦不可思議。菩薩摩訶薩無覺知故。當知般若波羅蜜多亦無覺知。菩薩摩訶薩行無覺知故。當知般若波羅蜜多亦無覺知。菩薩摩訶薩勢不力不成就故。當知般若波羅蜜多勢力亦不成就。菩薩摩訶薩行勢力不成就故。當知般若波羅蜜多勢力亦不成就。世尊。我緣此意故。說菩薩摩訶薩般若波羅蜜多。名大波羅蜜多。復次世尊。如來應正等覺無生故。當知般若波羅蜜多亦無生。無上正等菩提無生

故。當知般若波羅蜜多亦無生。如來應正等覺無滅故。當知般若波羅蜜多亦無滅。無上正等菩提無滅故。當知般若波羅蜜多亦無滅。如來應正等覺無自性故。當知般若波羅蜜多亦無自性。無上正等菩提無自性故。當知般若波羅蜜多亦無自性。如來應正等覺無所有故。當知般若波羅蜜多亦無所有。無上正等菩提無所有故。當知般若波羅蜜多亦無所有。如來應正等覺空故。當知般若波羅蜜多亦空。無上正等菩提空故。當知般若波羅蜜多亦空。如來應正等覺無相故。當知般若波羅蜜多亦無相。無上正等菩提無相故。當知般若波羅蜜多亦無相。如來應正等覺無願故。當知般若波羅蜜多亦無願。無上正等菩提無願故。當知般若波羅蜜多亦無

願。如來應正等覺遠離故。當知般若波羅蜜多亦遠離。無上正等菩提遠離故。當知般若波羅蜜多亦遠離。如來應正等覺寂靜故。當知般若波羅蜜多亦寂靜。無上正等菩提寂靜故。當知般若波羅蜜多亦不可得。無上正等菩提不可得故。當知般若波羅蜜多亦不可得。如來應正等覺不可思議故。當知般若波羅蜜多亦不可思議。無上正等菩提不可思議故。當知般若波羅蜜多亦不可思議。如來應正等覺無覺知故。當知般若波羅蜜多亦無覺知。無上正等菩提無覺知故。當知般若波羅蜜多亦無覺知。如來應正等覺勢力不成就故。當知般若波羅蜜多勢力亦不成就。無上正等菩提勢力不成就故。

當知般若波羅蜜多勢力亦不成就。世尊。我緣此意故。說菩薩摩訶薩般若波羅蜜多名大波羅蜜多。復次世尊。一切法無生故。當知般若波羅蜜多亦無生。一切法無滅故。當知般若波羅蜜多亦無滅。一切法無自性故。當知般若波羅蜜多亦無自性。一切法無所有故。當知般若波羅蜜多亦無所有。一切法空故。當知般若波羅蜜多亦空。一切法無相故。當知般若波羅蜜多亦無相。一切法無願故。當知般若波羅蜜多亦無願。一切法遠離故。當知般若波羅蜜多亦遠離。一切法寂靜故。當知般若波羅蜜多亦寂靜。一切法不可得故。當知般若波羅蜜多亦不可得。一切法不可思議故。當知般若波羅蜜多亦不可思議。一切法無覺知故。當知般若波羅蜜多亦不

覺知一切法勢力不成就故。當知般若波羅蜜多勢力亦不成就。世尊。我緣此意故。說菩薩摩訶薩般若波羅蜜多。名大波羅蜜多。

初分謗般若品第三十三

爾時具壽舍利子白佛言。世尊。若菩薩摩訶薩。於此甚深般若波羅蜜多能信解者。從何處沒來生此間。世尊。是菩薩摩訶薩。發趣無上正等菩提已經幾時。世尊。是菩薩摩訶薩。曾親近供養幾所如來應正等覺。世尊。是菩薩摩訶薩。修習布施淨戒安忍精進靜慮般若波羅蜜多爲已久如。世尊。是菩薩摩訶薩。云何信解如是般若波羅蜜多甚深義趣。佛言。舍利子。若菩薩摩訶薩。於此甚深般若波羅蜜多。能信解者。從十方界無數無量無邊如來應正等覺法會中沒。來生此間。舍利子。

是菩薩摩訶薩。發趣無上正等菩提。已經無數無量無邊百千俱胝那庾多劫。舍利子。是菩薩摩訶薩。已曾親近供養無數無量無邊不可思議。不可稱量如來應正等覺。舍利子。是菩薩摩訶薩。從初發心常勤修習布施淨戒安忍精進靜慮般若波羅蜜多。已經無數無量無邊百千俱胝那庾多劫。舍利子。若菩薩摩訶薩。見此般若波羅蜜多。便作是念。我爲見佛。聞此般若波羅蜜多。便作是念。我聞佛說。舍利子。是菩薩摩訶薩。以無相無二無所得爲方便。能正信解如是般若波羅蜜多甚深義趣。爾時具壽善現白佛言。世尊。甚深般若波羅蜜多。爲有能聞能見者不。佛言。善現。如是般若波羅蜜多。實無能聞及能見者。如是般若波羅蜜多。亦非所聞及非所見。何

以故。善現。色無聞無見。諸法鈍故。受想行識無聞無見。諸法鈍故。善現。眼處無聞無見。諸法鈍故。耳鼻舌身意處。無聞無見。諸法鈍故。色處。無聞無見。諸法鈍故。聲香味觸法處。無聞無見。諸法鈍故。善現。眼界無聞無見。諸法鈍故。色界眼識界及眼觸眼觸為緣所生諸受。無聞無見。諸法鈍故。耳界無聞無見。諸法鈍故。聲界耳識界及耳觸耳觸為緣所生諸受。無聞無見。諸法鈍故。鼻界無聞無見。諸法鈍故。香界鼻識界及鼻觸鼻觸為緣所生諸受。無聞無見。諸法鈍故。舌界無聞無見。諸法鈍故。味界舌識界及舌觸舌觸為緣所生諸受。無聞無見。諸法鈍故。身界無聞無見。諸法鈍故。觸界身識界及身觸身觸為緣所生諸受。無聞無見。諸法鈍故。意界無聞無見。諸法

鈍故。法界意識界及意觸意觸為緣所生諸受。無聞無見。諸法鈍故。善現。地界無聞無見。諸法鈍故。水火風空識界。無聞無見。諸法鈍故。善現。無明無聞無見。諸法鈍故。行識名色六處。觸受愛取有生老死愁歎苦憂惱。無聞無見。諸法鈍故。善現。布施波羅蜜多。無聞無見。諸法鈍故。淨戒安忍精進靜慮般若波羅蜜多。無聞無見。諸法鈍故。善現。內空無聞無見。諸法鈍故。外空內外空。空空大空。勝義空。有為空。無為空。畢竟空。無際空。散空。無變異空。本性空。自相空。共相空。一切法空。不可得空。無性空。自性空。無性自性空。無聞無見。諸法鈍故。善現。真如無聞無見。諸法鈍故。法界法性。不虛妄性。不變異性。平等性。離生性。法定法。住實際。虛空界。不思議界。無聞無見。諸

法鈍故。善現。苦聖諦。無聞無見。諸法鈍故。集滅道聖諦。無聞無見。諸法鈍故。善現。四靜慮。無聞無見。諸法鈍故。四無量。四無色定。無聞無見。諸法鈍故。善現。八解脫。無聞無見。諸法鈍故。八勝處。九次第定。十遍處。無聞無見。諸法鈍故。善現。四念住。無聞無見。諸法鈍故。四正斷。四神足。五根。五力。七等覺支。八聖道支。無聞無見。諸法鈍故。善現。空解脫門。無聞無見。諸法鈍故。無相無願解脫門。無聞無見。諸法鈍故。善現。五眼。無聞無見。諸法鈍故。六神通。無聞無見。諸法鈍故。善現。佛十力。無聞無見。諸法鈍故。四無所畏。四無礙解。大慈大悲。大喜大捨。十八不共法。無聞無見。諸法鈍故。善現。無忘失法。無聞無見。諸法鈍故。恒住捨性。無聞無見。諸法鈍故。善現。一切智。無聞

無見。諸法鈍故。道相智。一切相智。無聞無見。諸法鈍故。善現。一切陀羅尼門。無聞無見。諸法鈍故。一切三摩地門。無聞無見。諸法鈍故。善現。預流。無聞無見。諸法鈍故。一來不還。阿羅漢。無聞無見。諸法鈍故。善現。預流向。預流果。無聞無見。諸法鈍故。一來向。一來果。不還向。不還果。阿羅漢向。阿羅漢果。無聞無見。諸法鈍故。善現。獨覺。無聞無見。諸法鈍故。獨覺菩提。無聞無見。諸法鈍故。善現。菩薩摩訶薩。無聞無見。諸法鈍故。菩薩摩訶薩行。無聞無見。諸法鈍故。善現。如來應正等覺。無聞無見。諸法鈍故。無上正等菩提。無聞無見。諸法鈍故。善現。一切法。無聞無見。諸法鈍故。具壽善現。復白佛言。世尊。諸菩薩摩訶薩。積行久如。便能修學甚深般若波羅蜜多。佛言。善現。於

此事中應分別說。善現。有菩薩摩訶薩。從初發心。即能修學甚深般若波羅蜜多。亦能修學靜慮波羅蜜多。精進波羅蜜多。安忍波羅蜜多。淨戒波羅蜜多。布施波羅蜜多。善現。是菩薩摩訶薩。有方便善巧。故不謗諸法。於一切法。不增不減。是菩薩摩訶薩。常不遠離布施淨戒安忍精進靜慮般若波羅蜜多相應之行。亦常不離諸佛世尊。及諸菩薩摩訶薩衆。是菩薩摩訶薩。從一佛土趣一佛土。欲以珍奇諸妙供具。供養恭敬尊重讚歎諸佛世尊。及諸菩薩摩訶薩等。隨意成辦。亦能於彼諸如來所植衆善根。是菩薩摩訶薩。隨受身處。不墮母腹。胞胎中生。是菩薩摩訶薩。心常不與煩惱雜住。亦曾不起二乘之心。是菩薩摩訶薩。恒不遠離殊勝神通。從一佛國趣一

佛國。成熟有情。嚴淨佛土。善現。是菩薩摩訶薩。能正修學甚深般若波羅蜜多。善現。有菩薩乘諸善男子善女人等。雖曾見多佛。若多百佛。若多千佛。若多百千佛。若多俱胝佛。若多百俱胝佛。若多千俱胝佛。若多百千俱胝佛。若多百千俱胝那庾多佛。於諸佛所。亦多修習布施淨戒安忍精進靜慮般若而有所得。爲方便故。不能修學甚深般若波羅蜜多。亦不能修學靜慮波羅蜜多。精進波羅蜜多。安忍波羅蜜多。淨戒波羅蜜多。布施波羅蜜多。善現。是善男子善女人等。聞說如是甚深般若波羅蜜多。便從座起。捨衆而去。善現。是善男子善女人等。不敬如是甚深般若波羅蜜多。亦不敬佛。既捨如是甚深般若波羅蜜多。亦捨諸佛。今此衆中。亦有彼類。聞我說是

甚深般若波羅蜜多。心不悅可捨衆而去。所以者何。是善男子善女人等。先世聞說甚深般若波羅蜜多已。曾捨去。今世聞說如是般若波羅蜜多。由宿習力還復捨去。是善男子善女人等。於此所說甚深般若波羅蜜多。身語及心皆不和合。由斯造作增長愚癡惡慧罪業。彼由造作增長愚癡惡慧罪業。聞說如是甚深般若波羅蜜多。即便毀謗障礙棄捨。彼既毀謗障礙棄捨。如是般若波羅蜜多。則爲毀謗障礙棄捨過去未來現在諸佛一切相智。彼由毀謗障礙棄捨過去未來現在諸佛一切相智。即便造作增長能感匱正法業。彼因造作增長能感匱正法業。墮大地獄。經歷多歲。若多百歲。若多千歲。若多百千歲。若多俱胝歲。若多百俱胝歲。若多千俱胝歲。若

多百千俱胝歲。若多百千俱胝那庾多歲。大地獄中受諸楚毒猛利大苦。彼罪重故。於此世界從一大地獄至一大地獄。乃至火劫水劫。風劫未起已來受諸楚毒猛利大苦。若此世界火劫水劫。風劫起時。彼匱法業猶未盡故。死已轉生他方世界。與此同類大地獄中經歷多歲。若多百歲。若多千歲。若多百千歲。若多俱胝歲。若多百俱胝歲。若多千俱胝歲。若多百千俱胝歲。若多百千俱胝那庾多歲。大地獄中受諸楚毒猛利大苦。彼罪重故。於他世界。從一大地獄至一大地獄。乃至火劫水劫。風劫未起已來。受諸楚毒猛利大苦。若他世界火劫水劫。風劫起時。彼匱法業猶未盡故。死已轉生餘方世界。與此同類大地獄中經歷多歲。若多百歲。若多千歲。若多百千

歲。若多俱胝歲。若多百俱胝歲。若多千俱胝歲。若多百千俱胝歲。若多百千俱胝那庾多歲。大地獄中受諸楚毒猛利大苦。彼罪重故。於餘世界。從一大地獄至一大地獄。乃至火劫。水劫。風劫。未起已來。受諸楚毒猛利大苦。如是展轉遍歷東方諸餘世界。大地獄中受諸楚毒猛利大苦。如是展轉遍歷南方諸餘世界。大地獄中受諸楚毒猛利大苦。如是展轉遍歷西方諸餘世界。大地獄中受諸楚毒猛利大苦。如是展轉遍歷北方諸餘世界。大地獄中受諸楚毒猛利大苦。如是展轉遍歷東北方諸餘世界。大地獄中受諸楚毒猛利大苦。如是展轉遍歷東南方諸餘世界。大地獄中受諸楚毒猛利大苦。如是展轉遍歷西方諸餘世界。大地獄中受諸楚毒猛利大苦。如是展轉遍歷西南方諸餘世界。大地獄中受諸楚毒猛利大

苦。如是展轉遍歷西北方諸餘世界。大地獄中受諸楚毒猛利大苦。如是展轉遍歷下方諸餘世界。大地獄中受諸楚毒猛利大苦。如是展轉遍歷上方諸餘世界。大地獄中受諸楚毒猛利大苦。若彼諸餘十方世界。火劫。水劫。風劫。起時。彼匱法業猶未盡故。死已還生。此間世界。大地獄中從一大地獄至一大地獄。乃至火劫。水劫。風劫。未起已來。受諸楚毒猛利大苦。若此世界。火劫。水劫。風劫。起時。彼匱法業猶未盡故。死已復生。他餘世界。遍歷十方大地獄中。受諸楚毒猛利大苦。如是輪迴經無數劫。彼匱法罪業勢稍微。從地獄出。墮傍生趣。經歷多歲。若多百歲。若多千歲。若多百千歲。若多俱胝歲。若多百俱胝歲。若多百俱胝歲。若多千俱胝歲。若多百千俱胝歲。若多百千俱胝

那更多歲。受傍生身。備遭殘害。恐逼等苦。罪未盡故。於此世界。從一險惡處。至一險惡處。乃至火劫水劫風劫未起已來。備遭殘害。恐逼等苦。若此世界三災壞時。彼墮法業餘勢未盡。死已轉生他方世界。與此同類。傍生趣中。經歷多歲。若多百歲。乃至若多百千俱胝。那更多歲。受傍生身。備遭殘害。恐逼等苦。罪未盡故。於他世界。從一險惡處。至一險惡處。乃至火劫水劫風劫未起已來。備遭殘害。恐逼等苦。若他世界三災壞時。彼墮法業餘勢未盡。死已轉生餘方世界。與此同類。傍生趣中。經歷多歲。若多百歲。乃至若多百千俱胝。那更多歲。受傍生身。備遭殘害。恐逼等苦。罪未盡故。於餘世界。從一險惡處。至一險惡處。乃至火劫水劫風劫未起已來。備遭殘害。恐

逼等苦。如是展轉。遍歷十方諸餘世界。受傍生身。備遭殘害。恐逼等苦。若彼諸餘十方世界三災壞時。彼墮法業餘勢未盡。死已還生此間世界。傍生趣中。從一險惡處。至一險惡處。乃至火劫水劫風劫未起已來。備遭殘害。恐逼等苦。若此世界三災壞時。彼墮法業餘勢未盡。死已復生他餘世界。遍歷十方傍生趣中。廣受衆苦。如是循環。經無數劫。彼墮法罪業勢漸薄。免傍生趣。墮鬼界中。經歷多歲。若多百歲。若多千歲。若多百千歲。若多俱胝歲。若多百俱胝歲。若多千俱胝歲。若多百千俱胝歲。若多百千俱胝。那更多歲。於鬼界中。備受虛羸飢渴等苦。罪未盡故。於此世界。從一餓鬼國。至一餓鬼國。乃至火劫水劫風劫未起已來。備受虛羸飢渴等苦。若此世界三

災壞時。彼匱法業餘勢未盡。死已轉生他方世界。與此同類餓鬼趣中。經歷多歲。若多百歲。乃至若多百千俱胝那更多歲。於鬼界中備受虛羸飢渴等苦。罪未盡故。於他世界從一餓鬼國至一餓鬼國。乃至火劫水劫風劫未起已來。備受虛羸飢渴等苦。若他世界三災壞時。彼匱法業餘勢未盡。死已轉生餘方世界。與此同類餓鬼趣中。經歷多歲。若多百歲。乃至若多百千俱胝那更多歲。於鬼界中備受虛羸飢渴等苦。罪未盡故。於餘世界從一餓鬼國至一餓鬼國。乃至火劫水劫風劫未起已來。備受虛羸飢渴等苦。如是展轉遍歷十方諸餘世界。於鬼界中備受虛羸飢渴等苦。若彼諸餘十方世界三災壞時。彼匱法業餘勢未盡。死已還生此間世界餓鬼趣中。

從一餓鬼國至一餓鬼國。乃至火劫水劫風劫未起已來。備受虛羸飢渴等苦。若此世界三災壞時。彼匱法業餘勢未盡。死已復生他餘世界。遍歷十方餓鬼趣中。廣受衆苦。如是周流經無數劫。彼匱法業餘世將盡。雖得爲人而居下賤。所謂生在生盲人家。或旃荼羅家。或補羯娑家。或屠膾家。或漁獵家。或工匠家。或樂人家。或邪見家。或餘猥雜惡律儀家。或所受身無眼無耳無鼻無舌。無手無足。癰疽疥癩。風狂癲癩。瘡殘背僂。矬陋攣臂諸根缺減。貧窮枯頽頑嚚無識。凡有所爲人皆輕賤。或所生處不聞佛名。法名。僧名。菩薩名。獨覺名。或復生於幽闇世界。恒無晝夜。不覩光明。彼匱法業造作增長極深重故。受如是等不可愛樂圓滿苦果。爾時舍利子白佛言。世